

նոյց Տիրերի կայսեր զխառաւոր յարութիւն Փրկչին մե-
րոյ և զԱստուածութիւն նորին, նոյնպէս յայտնի երեւե-
ցաւ 'ի նախընթաց թղթէն Յակոբայ, սասլէս և ինքն Տի-
բեր վկայէ 'ի թղթին իւրում առ Արգար. ահաւասիկ ըզ-
պատճէն թղթոյն Պիղատոսի զոր դնեմք 'ի շարս բանից :

Ինքնակալիդ Սերաստիա փասաւորի և հզօրի Տիրերիա
կայսեր, 'ի Պիղատոսէ դատաւորէ կողմանց Արեւելից
Պաղեստինեայ և Փիւնիկեայ, արքայի խնդալ :

Հարկ եղև ինձ դրել առ մեծութիւն քո զիրս զայս, որ
անկաւ 'ի վերայ իմ 'ի դժնդակ պատահմանէս որում
ականատես եղէ : Քանզի Հրեայք՝ որք ժողովեալ էին յե-
րուսաղէմ, մատնեցին ինձ զայր ոմն անուն Յիսուս, որոյ
վասն աւետիս ունէին հարքն նոցա, եթէ առաքէ Աստ-
ուած զսուրբն իւր յերկնից, որ և թագաւոր կոչեսցի Իս-
րայէլի, զոր խոստացեալ էր Աստուածն երկնից 'ի ձեռն
կուսի յերկիր առաքել, որ 'ի դատաւորութեանս իմում
'ի հրէաստանի բազումսքանչելիս արար. քանզի մի 'ի հերձ-
ուածոցն՝ զոր դնէին 'ի վերայ նորա, այն էր թէ զչաբաթս
ոչ պահէ : Այլ նա այսու լուծանէր, զանդամաւոյճս առող-
ջացուցանէր, զկոյրս լուսաւորէր, զկաղս գնացուցանէր,
խլից լսել տայր և համերց խօսել : Այլ և զայր մի մեռեալ
չորեքօրեայ կոչեաց 'ի գերեզմանէն և յարոյց 'ի մեռելոց,
զայսահարս որ 'ի գերեզմանս բնակէին զգատացոյց, ըզ-
դեւս հալածեաց, զգօսացեալս, զմիակողմանիս, և զկինն
տեռատես բժշկեաց, և այլ բազում նշանս դործեաց, զորս
ոչ էր դործեալ մարդոյ կամ լուեալ յաշխարհի, զնա Ան-
նա և Կայիափա մատնեցին 'ի ձեռս իմ. իբրև ոչ կամե-
ցայ խաչել զնա, բազում խռովութիւնս և աղաղակս յա-
րուցին 'ի վերայ իմ և քննութիւն արարեալ ոչ ինչ վնաս
մահու գաի 'ի նմա, բայց ոչ կարացի հաւանեցուցանել
զնոսա. առեալ տարան զնա և խաչեցին, և խաւար կալաւ
զամենայն տիեզերս 'ի միջօրէի՝ զի խաւարեցաւ արեգակն :
Եւ յորժամ Յիսուս խաչեցաւ՝ էր օրն Ուրբաթ եւ ժամն
վեցերորդ. երկիր շարժեցաւ եւ վէմք պատառեցան, եւ
մեռեալք 'ի գերեզմանացն յարեան, որպէս ինքեանք իսկ
Հրէայքն վկայեցին. և 'ի խաչէն իջուցեալ թողեցին զնա,
և մատանեաւ իւրեանց կնքեցին զգերեզմանն, եւ եկեալ